

# اسم الله الواسع | الجزء الأول | الحلقة ( 90 ) | #إنه\_الله | د .

## حازم شومان

حازم شومان

انه رب العباد وخير زاد. بسمه الكافي تمسك. انا رأيت انا رحيت الرزق لو تحس بالاختناق كل هم لافتراق كله محزون كسير يحمل اما

الكبير ليس غير الله يرجى. انه نعم النصير - 00:00:00

السلام عليكم ورحمة الله وبركاته. اخواني واحبابي في الله. هنبداً النهاردة بازن الله رحلة جديدة. مع اسم من اجمل اسماء الله الحسنى اللي هنتعرف عليها في حياتنا. هنتكلم النهاردة بازن الله سبحانه وتعالى عن اسم الحياة بدونه خنيقة يا جماعة لا تطالب -

00:01:00

عن اسم التدين التدين والالتزام بدونه خنقة وصعب. ولا يطيقه اي انسان. هنتكلم النهاردة عن اسم من الحسد والحقد هيملوا الدنيا.

هيبقى الدنيا كلها حسد وحقد وكراهية. هنتكلم النهاردة عن اسم من غيره. التعصب الديني - 00:01:30

من المتدينين والملتزمين هيبقى هو الحاجة السائدة. بل من غيره الغيرة هتملى قلوب الناس. حتى قلوب الاخوات بينهم وبين بعض

من غير الاسم ده ما حدش هيشوف الا نفسه. والعقد النفسية هتملى الصدور. هنتكلم عن اسم هيعلمك - 00:01:50

انك ما تخافش من بكرة وانك تبقى دايم فرحان ومستبشر ودي كل اسماء الله الحسنى بس الاسم ده بالزات هيخليك فرحان اوي مستبشر اوي وما انتش شايف الحياة من ثقب ابرة. شايف الدنيا واسعة. اسم هيفتح عينك على جمال الحياة. وعلى جمال ربنا وعلى

جمال - 00:02:07

الاسلام وعلى جمال القرآن. هنتكلم النهاردة عن اسم ضد الفراغ النفسي القاتل. اكثر حاجة بتدمر الانسان الفراغ النفسي الفراغ انا انا

نزلت لشباب كثير جدا يا جماعة في قهاوي وكافيهات وشوارع ونوادي كلهم اهم حاجة بيقلوا - 00:02:27

ان هم خايفين يتدينوا بسببها الفراغ. انا اصلا باعصي ربنا عشان اشغل نفسي باي حاجة. عدي يا ليلة يعني. اسم ضد الفراغ النفسي

القاتل اللي بيدفع بعض الناس الى انهم ينتحروا ويتخلصوا من حياتهم. هنتكلم عن اسم الله الواسع. الله اكبر - 00:02:47

تخيل وتخيلي لو اب ملك من الملوك واسع الملك جدا. وعنده ابن بيحبه جدا. فالاب ادى لابنه الف فدان. قال له يا ابني الالف فدان دول ابني قصر واسع. اعمل فيه جناين. اعمل مزارع واسعة. عش يا ابني حياة كلها سعة. الابن راح. ما خدش من الالف فدان دول غير

- 00:03:07

الخمسة متر كده بنك جدا قد القبر وعاش فيه. ابوه راح نزل يزوره مرة ابوه اول ما شاف المنزر اللي ابنه عايش فيه. قال له قال له يا

ابني اللي انت عملته في نفسك ده. انت يا ابني انت خنقت نفسك ليه؟ يا ابني انت ديققتها على نفسك ليه؟ انا انا مديك المساحة دي

كلها عشان تعيش حياة واسعة. هو - 00:03:27

هو ده يا جماعة اللي احنا عملناه في نفسنا مع اسماء الله سبحانه وتعالى. احنا عايشين الحياة الضيقة ليه؟ وربنا هو الواسع سبحانه

وتعالى. هو ده اللي عمله مع الله الواسع. اسم النهاردة بيثبت ان الانسان هو اللي مضيقها على نفسه. هو اللي خانق نفسه. انت قاعدة

مخنوقة حاسس بك والله - 00:03:47

حاسس بالخنقة اللي انت فيها. حاسس بالضيق الرهيب اللي انت فيه. بس مع اسم الله الواسع الحياة. هيبقى فيه افق ثاني يا جماعة

وزاوية ثانية هنبص الحياة منها. هنفهم مع اسم الله الواسع ان الموضوع واسع جدا. والطريق واسع جدا. والمجال واسع جدا. واسباب

ربنا واسعة جدا. وخزاين ربنا مليانة فلوس يا اللي نفسك في فلوس. مليانة ازواج وزوجات يا اللي نفسكوا تتجوزوا. مليانة حلول لمشاكل حياتنا المشاكل ملت حياتك واني الوحيد اللي ما لوش بديل في حياتنا هو ربنا. يعني ايه اسم الله الواسع يا جماعة -

00:04:27

يعني اول مرة اول مرة يذكر فيها ان ربنا من اسمائه الواسع كان في دين الاسلام. يعني دي عطاء من عطاءات الله لاهل الاسلام كلمة موسوعة يعني كتاب بيوسع كل المعلومات عن كل المواضيع. يقول لك فلان ده انسان موسوعي يعني واسع العلم. واسع - 00:04:45  
الله عنده معلومات في كل حاجة انا قبل ما اتكلم معكم عن معاني اسم الله الواسع. انا يا جماعة عايز آآ يعني قبل ما ندخل في المعادي عايزك تخيل معي قد ايه ربنا ممكن يوسعها عليك. قد ايه ربنا ممكن يوسعها عليك. قد ايه الدنيا الضيقة اللي احنا عايشين فيها ممكن تبقى واسعة. قد ايه صدرك الدقيق - 00:05:07

الخنقة اللي عدت جواك وما عدتيش طايقة حد يتكلم وما عدتيش طايقة ان حد من عيالك يتكلم ولا ينطق اصلا وانت خلاص عايز تروح في مكان فاضي اتكلم معي. انا يا جماعة مخنوق. انا يا جماعة جوايا ضيق لو اتوزع على الدنيا يفيض. قد ايه ربنا ممكن يوسعها عليك؟ يوسع صدرك. يوسع رزقك. يوسع - 00:05:27

افاق حياتك سبحان الله العظيم واحد ودي قصة حقيقية يعني حصلت في يعني مدينة من مدن آآ مصر كان فيه جنبها قرية يعني بسيطة جدا جدا وفي اب مات وساب اراضي كتير جدا لولاده وكانوا مجموعة رجالة - 00:05:47

ام اخ صغرن لسة يعني في اول حياته خالص فاستضعفوه وخذوا كل الاراضي الحلوة في القرية وادو له كان نصيبه خمس فدادين. ادوا له خمس فدادين محدوفين كانوا في حطة في القرية دي اسمها المنفى. على اطراف القرية خالص. اسمها المنفى - 00:06:07  
آآ يعني الولد ده صعب عليه نفسه اوي واحبط اخواتي يعملوا في ليه كده ويحرموني من ان انا اخذ نصيبي حتى في بيت العيلة خمس فدادين متطرفين في حطة اسمها المنفى. تمن الفدان ما يساويش حاجة اصلا في الوقت ده. الولد اه يعني خلاص مش هيقدر يخاصم اخواته. سافر - 00:06:27

اشتغل في دولة خليجية قعد عشر سنين او خمستاشر سنة شغال هناك. يحاول بقى بيني لنفسه مستقبله لان اخواته كلوا حقه. مرة جا له تليفون بعد حوالي عشر سنين من السفر اخواته بيتصلوا به. فيه ايه ؟ قالوا له انت آآ انت حبيبنا واخونا احنا زلمناك ، احنا لازم نقسم الورث ده تاني. تعال - 00:06:47

عشان هنديك نصيبك في بيت ابوك. وعشان هنقسم الورس بقى ونوزع الاراضي حلو تاني. آآ انت اخونا وحبيبنا ما يهونش علينا كده. الشاب ده كان بقى كبر بقى فرح جدا واحس بقى ان اخيرا هيبقى فيه صلة رحم واخواته وان الدعاء اللي بيدعي لربنا ان ربنا يصلح بينه وبين اخواته وربنا يستجيب له - 00:07:07

فبعد ما اخلص المكاملة مع اخواته بيتصل بواحد صاحبه هنا في مصر فبيقول له شفت اخواتي شفت ربنا هداهم ازاى اخيرا؟ اخواتي عايزين يقسموا تاني اسمه ايه ؟ قال له الخمس فنانيين اللي انا خدتهم في اطراف البلد. قال له اطراف مين ؟ الخمس فدانين دول دخلوا في الكاردون جنب الجامعة. الخمس فدادين دول الفدان المتر - 00:07:27

الواحد فيه بقى بتمن الفدان. ده عايزين يدحكوا عليك تاني. الخمس فدادين يا جماعة الفدان اربع تلاف وميتين متر. بقى تمن الفدان تمن تمن المتر بتمن الفدان بعد ما دخل مباني ربنا في لحزة خلى له تمن الخمس فدادين بطمن واحد - 00:07:47

وعشرين الف فدان. في لحزة اربع تلاف وميتين متر في خمسة. وبقى يعني من اغنى الاغنياء في هذه البلد. الله قادر. الله قادر بيوسع عليك. الله قادر انه يوسع عليك في لحزة. انا ما انساش حد قريبي وحبيبي وربنا يحفضه وبيبارك فيه. بس هو يعني - 00:08:07

يعني زي كتير منا يعني يعني على قد يعني مستواه المادي بسيط يعني فرحت ازوره مرة فلقيت آآ لأ مش هو ايه اللي حصل بقى غني جدا يا جماعة. مأثري جدا وبقوا جايبين يعني الدنيا وسعت معاوي - 00:08:25

فبقول له فيه ايه ؟ انا سألته مباشرة يعني فيه ايه ؟ ايه اللي حصل ده ؟ قال لي ما فيش ، واحد صاحبي راجل اعمال كان نازل دولة

برة ، آآ دولة اجنبية عشان - 00:08:43

يتاجر فقال لي تعال معي تعال معي اسندني يعني مساندة آآ اروح معه يعني ايه اسنده لو احتاج حاجة بيقول فرحت هناك فهو كان مشغول في صفقة من صفقاته فانا نزلت - 00:08:53

ماشية في البلد. قال لي وانا نزلت اتمشى في البلد لقيت احنا البلد بتاعتنا اللي انا منها بقى يعني بلد القرية اللي انا منها. ففي هناك حاجة كده الفلاحين بيحرتوا بها الارض. تمنها عندنا غالي جدا يعني. طب انا هنا في مصر غالي جدا. يعني من سنين طويلة كانت -

00:09:03

بعشر تلاف جنيه زمنها دلوقتي اضرب بقى في عشرة ولا حاجة. فيقول لي فلقيت حاجات كتير جدا من المكنة دي مرمية كده

فبسألهم في البلد. هو ايه ده! قالوا لي لآ - 00:09:23

ما فيش دليل نفايات تصنيع ده دي حاجات اجزاء كده متبقية من التصنيع وبنرميها وما لهاش اي تمن. قال لهم طب ممكن استوردها؟

قالوا له تستوردها. تستورد ايه دي ما لهاش - 00:09:33

اصلا فادوها له بتمن بخس لا تساوي شيه. بيقول لي جيت هنا بعثها بامارة مليونير. الله قادر يوسع عليك في لحزة. الله قادر انه يغير

حياتك لحزة الله قادر صدرك الديق اللي ما انتيش طايقة كلمة. المخنوق ده هو يخلي صدرك واسع ويخليك منشرحة ويخليك

فرحانة. ويخلي - 00:09:43

تحكي مالي وشك على طول. الله قادر. الله قادر انه يوسع رزقك. الله قادر انه يوسع منسوب دخلك. ربنا قادر يا اخوانا عبدالرحمن

ابن عوف. لما هاجر مع النبي عليه الصلاة والسلام ما كانش ما عمل ليم. ما كانش معه درهم واحد ولا دينار واحد. فلما هاجر المدينة

راجل بيعمل لدين الله. يا اخوانا انا انا - 00:10:03

يعني يعني بقى لي ثلاثين سنة في طريق فضل منة الله. التدين والدعوة الى الله. انا عمري ما شفت سبب لسعة معاملة الله لعبد قد

الدعوة والى الله. عبدالرحمن بن عوف هاجر فنزل يتاجر في السوق قال كلمة حلوة اوي في صحيح البخاري. قال ظننت اني لو رفعت

حجرا - 00:10:23

لوجدت تحته ذهب. بيقول انا انا انا من كتر ما ربنا فتحها علي انا بحط ايدي في الحريقة بتخضر. انا من كتر ما ربنا فتح علي في

الرزق. انتهى لي ان انا في الاخر لو لقيت طوبة شلتها الاقي تحتها حتة ذهب. والله يا اخوانا اما اتخرجنا من كلية طب - 00:10:43

آآ انا شفت الكلمة دي في حياتي. شفتها في حياتي. شفت يعني ايه ان لو رفعت حجر لوجدت تحته ذهب. اتخرجنا من كلية طب

وكنا ما فيش يعني يعني - 00:11:01

لا نملك شيه من امر الدنيا اصلا. يعني لا نأوم ومع ذلك احنا كنا بنتعامل بما في خزائن الله. فاكر وانا قاعد مرة كده وكنت لسة في سنة

امتياز ولسه - 00:11:11

خرج من الكلية فواحد جا لي كده واحد صاحبي يعني تاجر في السوق قال لي بقول لك ايه هو تاجر على قد حاله اوي يعني قال لي

بقول لك ايه انا عندي خبرة وما عيبش فلوس - 00:11:21

انت لو معك فلوس كان كل اللي امتلكه من الدنيا وقتها كان حوالي ثلاثين الف جنيه. كل اللي امتلكم من الدنيا وقتها. قال لي لو معك

فلوس. تعال نحط فلوسي على خبرتك ونتاجر. قل - 00:11:31

قلت له ماشي استخرت ربنا وتوكلنا على الله وفتحنا شركة ملابس اطفال. والله يا اخواني انا ما كنت اعرف يعني ايه ان فيه شلالات

فلوس تنهمر على النبي ادم قبل هزه اللحزة. انا من كنت اعرف يعني ايه لو رفعت حجرا لوجدت تحته ذهب. احنا كنا بنبيع ملابس

اطفال جملة. والله انا كنت انزل من بيتي اروح - 00:11:41

مقر الشركة بتاعتنا الاقي التجار من ست محافظات واقفين طابور. طابور عشان يلحقوا آآ مين اللي ياخذ منا النهاردة حاجة كانت

افاق مهولة سبحان الله رب العرش العظيم. حد من آآ اصحابي راجل اعمال ملياردير من اكبر رجال الاعمال في البلد - 00:12:01

بيقول لي احنا كنا كزا شريك بنتاجر مع بعض زمان في بداية حياته بيقول واحد منا مات فجأة. فيقول لي لما مات احنا كلنا جا لنا

احباط. وقلنا خلاص احنا نتفرغ للعبادة الى ان نموت. بيقول في يوم جا لنا صفقة دجاج. صفقة فراخ. يعني - [00:12:21](#)

استيراد فراخ. بيقول احنا كنا مترددين نقبلها لان احنا خلاص عايزين نتفرغ للعبادة ونقفل الشركة. بيقول في يوم واحد احنا بقينا ملط باليونيرات. في صفقة واحدة الله قادر انه يوسع عليك في يوم واحد. الله قادر انه يوسع حياتك في يوم واحد. الله قادر ان هو

يوسع الايمان في قلبك ويوسع انشراح صدرك - [00:12:40](#)

اشرح لي صدري. يعني يا رب وسع لي صدري يا رب ارزقني سعة الصدر. ارزقني سعة الايمان يا رب انا صدري تسعميت سيسي. مش جايب انه يستحمل مشاكل الدنيا. خلي لي صدري يا رب مليون سي سي. خلي صدري واسع. الواحد ياما شاف ايات يا جماعة في

اسم الله الواسع. وقد ايه ربنا - [00:13:00](#)

بيوسعها على الانسان من حيس لا يحتسب الانسان. آآ يعني سبحان الله كان ودي قصة حقيقية آآ يعني واحدة وآآ يعني واحدة كانت جميلة واتجوزت واحد غني جدا من الناس الاغنيا جدا وبعد ما اتجوزوا بقى مستني بقى هو مستني انها تبشره بالحمل بقى ولي

العهد بقى - [00:13:20](#)

شهر شهرين سنة ما فيش. فبدأوا يكشفوا عند اطباء. ففوجئوا ان هي عندها مشكلة مش آآ في فرق بين المرأة العقيم والمرأة العاقر ما ينفعش تخلف اصلا. يعني مش عندها عقم لأ ده عندها عقر هي ما ينفعش تخلف اصلا. يعني فيه سبب طبي لفوا على دكاترة

مصر كلهم وده - [00:13:40](#)

وده يقول لها منازير وده يقول لها وده يقول لها ما فيش الوضع يعني خلاص لحد بعد تمن سنين كان وصل لدرجة ان خلاص هو يعني ايه يعني تقريبا كده كانوا واقفين على الطلاق مش هيقدرنا يكملوا مع بعض خلاص ان يتفرقا يعني الله كلا من سعته سبحان الله

العظيم راحت تسأل حد - [00:14:00](#)

كده فقال لها طب ما تلجأى للاستغفار والاستغفار ده ياما شفنا في حياتنا معجزات بسببه. ما تلجأ للاستغفار. بتقول عملت ورد

استغفار يوميا الفين مرة. وزوجها عمل ورد استغفار يوميا - [00:14:20](#)

كان الفين مرة بتقول والله قبل ما يعدي سنة كانت شايلة عيل على ايديها. بتقول لما رزقت الطفل بالاستغفار ربنا وسع عليها في الزرية بتقول قالت والله ما هي مبطللة استغفار. كان وردها الفين مرة استغفار في اليوم هي وزوجها خلوا ورد الاستغفار اربع تلاف

مرة في اليوم - [00:14:33](#)

انت متخيل يعني ايه يعني بيقدوا يستغفروا قد ايه يوميا رزقت بعدها اربع اولاد تانيين غير الولد اللي رزقته. الله قادر انه يوسع عليك في ذرية الله قادر انه يوسع عليك في المال. الله قادر انه يوسع عليك في السعادة. الله قادر انه يوسع لك حياتك يا جماعة. الله

الواسع اسم هيعير حياتك - [00:14:53](#)

اسمه هيعير نزلتك للحياة. اسم هيملى قلبك بالفرحة والتفاؤل والاستبشار. اسم هيملى الدنيا ما عادتش ضيقة بقى. ما تخافش امور ضيقة ما تجري على الواسع صدرك ده ما تجري على الواسع. الرزق ضيق ما تجري على الواسع. هو ربنا سمى نفسه الواسع عشان كده.

عشان يقول لك ان ربنا سبحانه وتعالى يقدر - [00:15:13](#)

والصحة عليك من حيث لا تدري ولا تحتسب. حبيب الله محمد عليه الصلاة والسلام. يعني الله تجلى عليه باسمه الواسع. دايم افكر يا

جماعة في ان النبي عليه الصلاة والسلام كان متجوز تسعة - [00:15:36](#)

عليه الصلاة والسلام. وفي اخر حياته كان بيحبب خزين سنة في بيت كل واحدة. يعني اول يوم في السنة يجيب خزين اتناشر شهر. يعني تسع بيوت يخزن في كل بيت اكل سنة. مرة واحدة في يعني ربنا وسع على النبي قوي عليه الصلاة والسلام. في نهاية حياته.

لدرجة ان النبي انت تعرف يعني ايه تشتري - [00:15:46](#)

اكل تسع سنين في يوم يا جماعة فيه ناس مليونيرات ما تعرفش تعمل كده اصلا. اكل تسع سنين في يوم ازاى؟ النبي عليه الصلاة

والسلام ربنا وسع عليه. هو عشان الدعوة - [00:16:06](#)

الى الله ساب المشروع اللي كان كان رئيس مجلس ادارة آآ شركة الشركة التجارية تجارية في الملابس. النبي عليه الصلاة والسلام كان

هو رئيس مجلس ادارة شركة السيدة خديجة كان شريك مرفوع يعني شريك في الربح. انما مش في ملكية الشركة. النبي عليه

الصلاة والسلام ساب الشركة عشان الدعوة الى الله لما ربنا ابتعثه. ربنا عوضه بمشروع تجاري - [00:16:16](#)

تاني في اخر حياته كان مشروع تربية مواشي. والنبي كان مشروع ناجح جدا. النبي عليه الصلاة والسلام ربنا وسع عليه جدا في

نهاية حياته. النبي عليه الصلاة والسلام من كتر ما ربنا وسع عليه في نهاية حياته - [00:16:36](#)

كان بيقول ايما رجل مسلم مات فترك مالا فهو لورثته. ورثته ياخدوه. وايما مسلم مات فترك ديناه فهو عليه انا هاسد ديون المسلمين

كلها. اي مسلم يموت وعليه دين ما حدش يروح لوراسته يجي لي انا. انا اللي هاسد الدين بتاعه. وايما مسلم مات - [00:16:46](#)

فترك ضياعا يعني ترك عيال ما لهمش ورس ولا معهم فلوس فهو علي. انا اللي هاكل عياله بعد ما يموت. انا اللي هاكل ايتام الامة

كلها بعد ما ابوه يموت يا جماعة ربنا الواسع. النبي كان مشغول في الدعوة ليل نهار. كان مشغول بالعبادة والدعوة ليل نهار. كل ده

انت الله قادر انه يوسعها عليك - [00:17:06](#)

من الايات اللي بتطير لي عقلي لما بقرا في سورة الزاريات. السورة اللي بتتكلم عن الله واسع في الرزق قد ايه. لما اقرأ سيدنا ابراهيم

لما جاءه ضيوف المكرمين فجاء فراغ الى اهله فجاء بعجل سمين. يا رب ده سيدنا ابراهيم واحد متفرغ للدعوة. متفرغ للعبادة -

[00:17:26](#)

سادة متفرغ للسفر في مصر والعراق وفلسطين وبناء الكعبة هو عنده وقت تاجر يا رب هو جاب العجل السمين منين ؟ سيدنا ابراهيم

كان غني جدا يا جماعة ومدينة الخليل لحد دلوقتي - [00:17:46](#)

مسماه باسمه. المقابر بس اللي هو كان واخدها له ولزوجته. ولاولاده عليه الصلاة والسلام دي ما حدش يعرف يشتريها باي تمن

الوقتي. يعني ربنا بيوسع على عباده الصالحين ايوة ربنا قادر انه يوسعها عليك. ايوة ربنا قادر انه يفرجها عليك. ايوة ربنا سبحانه

وتعالى الواسع عايزين آآ يعني - [00:17:56](#)

دلوقتي راح مننا من اول المرة الجاية بازن الله هاكلكم عن معاني اسم الله الواسع. كل معنى من المعاني هيملى قلوبنا بالامل

وبالفرحة وبلاستبشار اللهم وسع علينا يا واسع يا كريم. اللهم انك انت الواسع الكريم يا رب. اللهم سعنا برحمتك يا من وسعت -

[00:18:17](#)

كل شيه سعنا برحمتك. ربنا وسعت كل شيه رحمة وعلما. فاغفر لنا يا رب العرش الكريم. اللهم سع ذنوبنا بما مغفرتك وساعة حياتنا

برحمتك. اللهم ارزقنا سعة الصدر يا رب العرش الكريم. اللهم وسع علينا في ارزاقنا - [00:18:37](#)

اللهم وسع رزقنا من الايمان واليقين يا واسع يا واسع. اللهم افرج عنا. اللهم افرج عنا. اللهم فرج كربنا اللهم اؤدي عنا ديوننا يا واسع يا

كريم. برحمتك يا ارحم الراحمين. سبحانه اللهم وبحمدك - [00:18:57](#)

اشهد ان لا اله الا انت استغفرك واتوب اليك. انه رب العباد حبه هو خير باسمه الكافي تمسك انه رب العباد ان رأيت الرزق ضار لو

حسوا بالاختناق كله هم واسع الرحم - [00:19:14](#)

رب العباد. حبه هو خير زاد بسمه الكافي تمسك ان رأيت الدر مسا انه رب العباد - [00:19:54](#)